



Na osnovu člana 121. u vezi sa članom 176. Zakona o visokom obrazovanju Kantona Sarajevo („Službene novine Kantona Sarajevo“, broj: 36/22 i 25/28), članova 233. i 234. Statuta Univerziteta u Sarajevu, broj: 01-14-35-1/23 od 26. 7. 2023. godine, Odluke Senata Univerziteta u Sarajevu, br. 01-6-31/26 od 25. 2. 2026. godine, a u skladu sa Odlukom o usvajanju dinamičkog plana potreba Univerziteta u Sarajevu - Pravnog fakulteta za raspisivanjem konkursa za izbor u zvanje u akademskoj 2025/26. godini br. 01-972/25 od 3. 9. 2025. godine, Univerzitet u Sarajevu - Pravni fakultet raspisuje

## K O N K U R S za izbor u akademsko zvanje

1. nastavnik/ica u zvanje **redovni/a profesor/ica** na naučnoj oblasti **Pravno-ekonomske nauke**, 1 izvršilac, puno radno vrijeme (redni broj 1. Dinamičkog plana potreba za raspisivanje konkursa za izbor u studijskoj 2025/26. godini koji je usvojen Odlukom br. 01-972/25 od 3. 9. 2025. godine);
2. nastavnik/ica u zvanje **redovni/a profesor/ica** na naučnoj oblasti **Finansijsko pravo**, 1 izvršilac, puno radno vrijeme (redni broj 2. Dinamičkog plana potreba za raspisivanje konkursa za izbor u studijskoj 2025/26. godini koji je usvojen Odlukom br. 01-972/25 od 3. 9. 2025. godine).

### USLOVI:

Pored opštih uslova propisanih Zakonom o radu, potrebno je da kandidat/kinja ispunjava uvjete utvrđene članom 96. Zakona o visokom obrazovanju ("Službene novine Kantona Sarajevo" broj 33/17, 35/20, 40/20,39/21):

Redovni/a profesor/ica: proveden najmanje jedan izborni period u zvanju vanrednog profesora, najmanje osam naučnih radova objavljenih u priznatim publikacijama koje se nalaze u relevantnim naučnim bazama podataka, najmanje dvije objavljene knjige, originalni stručni uspjeh kao što je projekt, patent ili originalni metod, te uspješno mentorstvo najmanje po jednog kandidata za stepen drugog odnosno integrisanog ciklusa studija i trećeg ciklusa studija.

**Napomena:** U skladu sa članom 176. Zakona o visokom obrazovanju ("Službene novine Kantona Sarajevo" broj: 36/22 i 28/25): "svi članovi akademskog osoblja koji su izabrani u akademsko zvanje prema odredbama zakona koji prestaje da važi stupanjem na snagu ovog zakona zadržavaju pravo da budu izabrani u isto ili više akademsko zvanje prema uslovima propisanim ranijim zakonom", odnosno kandidati koji nemaju izbor u naučno-nastavno zvanje prema ranije važećem zakonu ("Službene novine Kantona Sarajevo" broj 33/17,35/20,40/20,39/21) treba da ispunjavaju uslove za izbor u skladu sa članom 112. Zakona o visokom obrazovanju ("Službene novine Kantona Sarajevo" broj 36/22 i 28/25).

Ukoliko se kandidati prijavljuju u skladu sa odredbom člana 176. Zakona o visokom obrazovanju Kantona Sarajevo („Službene novine Kantona Sarajevo“, broj: 36/22 i 28/25), obavezni su to u prijavi naznačiti.

Uz vlastoručno potpisanu prijavu na konkurs za izbor u akademsko zvanje, kandidati/kinje prilažu dokaze o ispunjavanju minimalnih uslova za izbor u akademsko zvanje, i to:

- ✓ biografiju (CV) i spisak objavljenih knjiga, naučnih radova, naučnih dostignuća i doprinosa, projekata patenata ili originalnih metoda iz oblasti za koji se vrši izbor (u elektronskoj i štampanoj varijanti);
- ✓ listu objavljenih knjiga, udžbenika i naučnih radova kao i same knjige i radovi u originalu ili elektronskoj formi;
- ✓ dokumentaciju o nastavničkim sposobnostima, doprinosu procesu internacionalizacije i društvenom doprinosu;
- ✓ diplome i drugu dokumentaciju o stečenom obrazovanju u originalu ili ovjerenoj fotokopiji;



- ✓ kandidati/kinje koji su u inostranstvu stekli diplomu, prilažu nostrificiranu diplomu ili rješenje;
- ✓ potvrdu o provedenom najmanje jednom izbornom periodu u zvanju vanredni profesor;
- ✓ dokaz o originalnom stručnom uspjehu kao što je projekt, patent ili originalni metod;
- ✓ dokaz o uspješno obavljenom mentorstvu,
- ✓ dokaz o supstituciji objavljene knjige i/ili mentorstva, u skladu sa članom 115. stav 2 Zakona visokom obrazovanju („Sl. novine Kantona Sarajevo“ broj: 33/17, 35/20, 40/20, 39/21) i članom 230. Statuta Univerziteta u Sarajevu, u slučaju da kandidat iz objektivnih razloga nije mogao ispuniti navedene uvjete;
- ✓ podatke o nagradama i priznanjima u vezi sa odgovarajućom naučnom oblasti.
- ✓ Uvjerenje o državljanstvu ne starije od 6 mjeseci (original ili ovjerena kopija).
- ✓ Izvod iz matične knjige rođenih (original ili ovjerena kopija).
- ✓ drugu dokumentaciju kojom dokazuju da ispunjavaju minimalne uslove za izbor.

Akademsko osoblje na visokoškolskoj ustanovi bira se na određeni izborni period, izuzev redovnog profesora u naučno-nastavnom zvanju, koji se bira u trajno zvanje.

Kandidati/kinje su obavezni u prijavi naznačiti akademsko zvanje i naučnu oblast za koju se prijavljuju.

Dokumenti se dostavljaju u originalu ili u ovjerenoj fotokopiji.

Konkurs ostaje otvoren 15 dana od dana objavljivanja.

Nepotpune i neblagovremene prijave neće se razmatrati.

Prijave se podnose na adresu:

**Univerzitet u Sarajevu - Pravni fakultet  
Obala Kulina bana 7  
71000 SARAJEVO**

**Sa naznakom: „PRIJAVA NA KONKURS ZA IZBOR U AKADEMSKO ZVANJE NA  
NAUČNOJ OBLASTI NA KOJU SE PRIJAVLJUJE“**

Kontakt osobe su: Almira Humačkić i Haris Starhonić (broj telefona: 033/206-360).